

Südstadtnächte

Musik & Text Björn Heuser / Verlag: HEUSERMUSIK, GMO Publishing

Bm G
Augeringe verzälle vun ner schloflose Naach,
Bm G
ich setz vür'm Speejel, ben bal zick drissisch Stunde wach,
Bm G
wat es hück för ne Daach, jeiht de Sunn unger oder op?
A G
De Spilluhr spillt mich bal en Trance un do, do lurs nur zo...

D G A G
Kein Südstadtnächte, kein Flipper-Sessions em Piranha,
D G A G
kei Taxi noh Paris, keine Midnight-Döner om Chlodwigplatz,
D G A G
kein Südstadtnächte, kei Hopping durch Ihrefeld,
D G A G
et sin vierdausend Jramm, un fuffzich Zentimeter -
G D G A G D G A G
wat mir de Auge ophält!

D'r Kopp weed schwer, un de Ärm weeden lang,
en d'r Nohberschaff jonn noh un noh de Leechter ahn
noch e Fläschche für dich, un anders als söns verzichte ich,
nä, mer es ech nit noh Bier, nur einmol länger schlofe als bes vier!

Kein Südstadtnächte...

G D/F# Em
Doch wenn do laachs, es alles widder jot,
G D A
un wenn do laachs, es kein Naach ze koot!

Ich bruch kein Südstadtnächte, ben nur noch selden em Piranha,
Paris han ich längs jesinn, un d'r Midnight-Döner setz immer mieh ahn,
ich bruch kein Südstadtnächte, han mich om Ihrefeld bal mödgehopp,
zickdäm du do bes, steiht de Welt total om Kopp -
un dat es jot!